



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1581 usque ad annum 1589

**Fleury, Claude**

**August. Vind. [u.a.], 1772**

**VD18 90118650**

§. 52. Tuitiensis, & Aldenburgensis Abbatiae a Gebhardi copiis devastatae.

---

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

neficio lata in eum sententia die de-  
cima quarta Junii spoliabatur: deni-  
que ex omnibus Canonicis, qui Geb-  
hardo adhærebant, solus supererat  
Thomas Crechingii Baro, cujus frater  
Mariam Agnetis Mansfeldiæ sororem du-  
xerat, proin Thomas Gebhardum affini-  
tate contingebat, eum vero pariter Nun-  
tius Apostolicus comparere iussit. cum  
autem præstituto tempore non adesset  
pari cum ceteris sententia percellaba-  
tur: porro hic quantocius Vasconum  
copiis, quæ in propinquo erant, col-  
lectis Bonnam venit, quo Casimirus,  
aliique exauctorato Archiepiscopo suf-  
fragantes paulopost convenerant.

§. LII.

*Tuitiensis, & Aldenburghensis Abba-  
tiæ a Gebhardi copiis de-  
vastatæ.*

Horum copiæ ubi advenerant, mox *Thuan. l. 79.*  
vicinam Colonix regionem deva-  
stare cæperunt, ac quidem Bonnonen-  
ses præsidarii ductore Ranutio Floren-  
tino Abbatiam Tuitiensem, injecto igne  
absumpserunt, parique crudelitate com-  
buserunt Abbatiam Aldenburghensem  
Ordinis Cisterciensium ob Bergensium  
Comitum monumenta celebrem. Postea  
eædem copiæ Unkelium oppidum pa-  
riter ferro, flammaque devastare para-  
bant,

G 4

bant,

Sæcul. XVI  
A.C. 1583 bant, verum incolæ Lintziensibus foederati sese Gebhardi insultibus opponunt, frustra adversus eos cum validis copiis emisso Butrico.

## §. LIII.

*Conventus Francofordiæ indictus ad sedandos hosce tumultus.*

*Spond. n. 7.* Interea tumultibus indies magis, magisque invalescentibus, innumera pene loca flammis, ac ruinis fuere æquata: quapropter Imperator, qui Colonienfes hosce tumultus sedare exoptabat, Francofordiæ ad Menum Imperii comitia habuit, quibus Moguntini, Trevirensis, Palatini, Saxonis, & Brandenburgici Electorum Deputati intererant: insuper suo nomine Ernestus de Bavaria novus Colonienfis Elector Salentinum Hemburgium, Gropperum, Glaferum, aliosque eo ablegabat: in prima igitur Sessione die decimo Octobris habita Gebhardi Fautores petebant, ut præprimis ipse pristinae dignitati suæ restitueretur, tum vero se Cæsaris, atque Electorum iudicio submittere vellent. Verum Ernesti Oratores has conditiones acceptare renuunt, suisque mandatis sibi interdictum dicunt, ne cum Gebhardo actionem ullam instituant, cum hic jure, & facto